



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԱՅՈՑ ՁՈՐԻ ՄԱՐԶ
ԵՂԵԳՆԱԶՈՐ ՀԱՄԱՅՆՔ

ք. Եղեգնաձոր

12 սեպտեմբերի 2025թ.

ԱՐՁԱՆԱԳՐՈՒԹՅՈՒՆ N 10
ԱՎԱԳԱՆՈՒ ՀԵՐԹԱԿԱՆ ՆԻՍՏԻ

Համայնքի ավագանու նիստին ներկա էին ավագանու 11 անդամներ:

Բացակա էին՝ Արմեն Վարդանյանը, Գրիգոր Սարգսյանը, Եղիշե Նազարյանը, Թամարա Մկրտչյանը, Մուշեղ Ներսիսյանը, Սամվել Ոսկանյանը, Սոնա Մարգարյանը, Կարեն Մանասերյանը, Մարատ Շահբազյանը և Տիգրան Նազարյանը:

Ավագանու նիստին մասնակցում էին՝

Համայնքապետարանի աշխատակազմի ֆինանսատնտեսագիտական, եկամուտների հաշվառման և հավաքագրման բաժնի պետ Հայկանուշ Ավագյանը, գլխավոր մասնագետներ Քրիստինե Պողոսյանը, Գառնիկ Խաչատրյանը և աշխատակազմի քաղաքաշինության, հողաշինության, գյուղատնտեսության և բնապահպանության բաժնի գլխավոր մասնագետ Սամվել Ավագյանը:

Նիստը վարում էր համայնքի ղեկավար՝ Դավիթ Հարությունյանը

Նիստը արձանագրում էր աշխատակազմի քարտուղար՝ Մարինե Հովհաննիսյանը

ԼՍԵՑԻՆ.

**ԵՂԵԳՆԱԶՈՐ ՀԱՄԱՅՆՔԻ ԱՎԱԳԱՆՈՒ 2025 ԹՎԱԿԱՆԻ ՍԵՊՏԵՄԲԵՐԻ 12-Ի
ՀԵՐԹԱԿԱՆ ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ**

(Զեկ. ԴԱՎԻԹ ՀԱՐՈՒԹՅՈՒՆՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 4-րդ մասի պահանջով՝ **ավագանին
ո ր ո շ ե ց.**

1. Հաստատել Եղեգնաձոր համայնքի ավագանու թիվ 8 նստաշրջանի առաջին՝ 2025 թվականի սեպտեմբերի 12-ի հերթական նիստի հետևյալ օրակարգը.

1) Եղեգնաձոր համայնքի ավագանու 2025 թվականի սեպտեմբերի 12-ի հերթական նիստի օրակարգը հաստատելու մասին:

2) Եղեգնաձոր համայնքի 2025 թվականի բյուջեում փոփոխություններ կատարելու մասին:

3) Եղեգնաձոր համայնքի համայնքային սոցիալական ծրագրի շրջանակներում տրամադրվող աջակցությունը հաստատելու մասին:

4) Եղեգնաձոր համայնքի ավագանու 2024 թվականի դեկտեմբերի 24-ի թիվ 120-Ա որոշման մեջ փոփոխություններ կատարելու մասին:

5) Եղեգնաձոր համայնքի ավագանու 2024 թվականի դեկտեմբերի 24-ի թիվ 122-Ա որոշման մեջ փոփոխություններ կատարելու մասին:

6) Եղեգնաձոր համայնքի սեփականություն հանդիսացող տրանսպորտային միջոցներից վարձակալության տրամադրելու մասին:

7) Տեղական վճարի գծով արտոնություն սահմանելու մասին:

8) «Մալիշկա ռեսուրսիս» սահմանափակ պատասխանատվությամբ ընկերության կողմից Եղեգնաձոր համայնքի Մալիշկա բնակավայրի վարչական տարածքում նախատեսվող գործունեությանը համաձայնություն տրամադրելու մասին:

9) Անշարժ գույքի վարձակալության պայմանագրի ժամկետը երկարաձգելու մասին:

10) «Եղեգնաձոր ՖԱ» սպորտային և մշակութային հասարակական կազմակերպությանը նվիրատվություն կատարելու մասին:

11) Եղեգնաձոր համայնքի ավագանու հերթական նստաշրջանի հերթական նիստի գումարման օրը որոշելու մասին:

2. Սույն որոշումն ուժի մեջ է մտնում ստորագրման պահից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 111-Ա)

ԼՍԵՑԻՆ.

ԵՂԵԳՆԱՁՈՐ ՀԱՄԱՅՆՔԻ 2025 ԹՎԱԿԱՆԻ ԲՅՈՒՋԵՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

(Զեկ. ՀԱՅԿԱՆՈՒՇ ԱՎԱԳՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 5-րդ կետով և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 29-րդ հոդվածի 5-րդ, 33-րդ հոդվածի 4-րդ մասերի պահանջներով՝ **ա վ ա գ ա ն ի ն ո թ ո շ ե ց .**

1. Եղեգնաձոր համայնքի ավագանու 2025 թվականի հունվարի 21-ի թիվ 02-Ն որոշմամբ հաստատված բյուջեում կատարել հետևյալ փոփոխությունները.

1) Եկամտային մասում՝

ա. օրենքով և իրավական այլ ակտերով սահմանված համայնքի վարչական բյուջե մուտքագրվող այլ եկամուտներ տողին (տող 1393) ավելացնել 16 968 500 (տասնվեց միլիոն ինը հարյուր վաթսուներեք հազար հինգ հարյուր) ՀՀ դրամ,

բ. համայնքային սեփականություն համարվող հողի օտարումից գոյացած 31 520 000 (երեսունմեկ միլիոն հինգ հարյուր քսան հազար) ՀՀ դրամ գումարը ներառել համայնքային բյուջե՝ հողի օտարումից մուտքեր տողին (տող 6410)։

2) Ծախսային մասում ավելացնել՝

ա) գործառնական դասակարգման բաժին 05 խումբ 06 դաս 01 (շրջակա միջավայրի պաշտպանություն (այլ դասերին չպատկանող)) ոլորտի տնտեսագիտական դասակարգման 4511 (սուբսիդիաներ ոչ ֆինանսական պետական կազմակերպություններին) հոդվածին՝ 6 150 000 (վեց միլիոն հարյուր հիսուն հազար) ՀՀ դրամ՝ «Եղեգնաձորի համայնքային տնտեսություն» ՀՈԱԿ-ին շրջակա միջավայրի պահպանման և կանաչապատման լրացուցիչ աշխատանքների իրականացման ֆինանսավորման համար,

բ) գործառնական դասակարգման բաժին 04 խումբ 05 դաս 01 (ճանապարհային տրանսպորտ) ոլորտի տնտեսագիտական դասակարգման 4269 (հատուկ նպատակային այլ նյութեր) հոդվածին՝ 2 000 000 (երկու միլիոն) ՀՀ դրամ՝ ճանապարհային նշանների և արհեստական անհարթությունների ձեռքբերման, 4251 (շենքերի և կառույցների ընթացիկ նորոգում և պահպանում) հոդվածին՝ 1 200 000 (մեկ միլիոն երկու հարյուր հազար) ՀՀ դրամ՝ նշագծման աշխատանքների ֆինանսավորման համար,

գ) գործառնական դասակարգման բաժին 04 խումբ 02 դաս 04 (ոռոգում) ոլորտի տնտեսագիտական դասակարգման 4251 (շենքերի և կառույցների ընթացիկ նորոգում և պահպանում) հոդվածին 2 500 000 (երկու միլիոն հինգ հարյուր հազար) ՀՀ դրամ՝ Եղեգնաձոր համայնքի ոռոգման ցանցերի ընթացիկ վերանորոգման աշխատանքների ֆինանսավորման համար,

դ) գործառնական դասակարգման բաժին 08 խումբ 02 դաս 04 (այլ մշակութային կազմակերպություններ) ոլորտի տնտեսագիտական դասակարգման 4251 (շենքերի և կառույցների ընթացիկ նորոգում և պահպանում) հոդվածին 500 000 (հինգ հարյուր հազար) ՀՀ դրամ՝ Եղեգնաձոր համայնքի Վերնաշեն բնակավայրի գրադարանի ընթացիկ նորոգման աշխատանքների ֆինանսավորման համար,

ե) գործառնական դասակարգման բաժին 09 խումբ 01 դաս 01 (նախադպրոցական կրթություն) ոլորտի տնտեսագիտական դասակարգման 4637 (ընթացիկ դրամաշնորհներ պետական և համայնքային ոչ առևտրային կազմակերպություններին) հոդվածին՝ 900 000 (ինը հարյուր հազար) ՀՀ դրամ՝ «Եղեգնաձորի թիվ 1 մանկապարտեզ» ՀՈԱԿ-ի խոհանոցային կահույքի ձեռքբերման համար, 1.5-5 տարեկան կրթության և զարգացման առանձնահատուկ կարիք ունեցող երեխաների նախադպրոցական կրթության ապահովման ֆինանսավորում՝ «Եղեգնաձորի թիվ 2 մսուր մանկապարտեզ» ՀՈԱԿ հաճախող թվով 6 (վեց) երեխաների համար՝ 229 625 (երկու հարյուր քսանինը հազար վեց հարյուր քսանհինգ) ՀՀ դրամ, «Եղեգնաձորի թիվ 5 մանկապարտեզ» ՀՈԱԿ հաճախող թվով 12 (տասներկու) երեխաների համար՝ 459 250 (չորս հարյուր հիսունինը հազար երկու հարյուր հիսուն) ՀՀ դրամ, Եղեգնաձոր համայնքի Գետափ բնակավայրի «Արևիկ» մսուր մանկապարտեզ ՀՈԱԿ

հաճախող թվով 6 (վեց) երեխաների համար՝ 229 625 (երկու հարյուր քսանինը հազար վեց հարյուր քսանհինգ) ՀՀ դրամ,

զ) գործառնական դասակարգման բաժին 01 խումբ 06 դաս 01 (ընդհանուր բնույթի հանրային ծառայություններ) ոլորտի տնտեսագիտական դասակարգման 4241 (մասնագիտական ծառայություններ) հոդվածին՝ 1 500 000 (մեկ միլիոն հինգ հարյուր հազար) ՀՀ դրամ՝ համայնքային սեփականություն հանդիսացող հողերի շուկայական գնահատման համար, 5134 (նախագծահետազոտական ծախսեր) հոդվածին 1 000 000 (մեկ միլիոն) ՀՀ դրամ՝ Եղեգնաձոր համայնքում գազաֆիկացման աշխատանքների և բազմաբնակարան բնակելի շենքերի տանիքների վերանորոգման աշխատանքների նախագծանախահաշվային փաստաթղթերի ձեռքբերման, 5113 (շենքերի և շինությունների կապիտալ վերանորոգում) հոդվածին՝ 10 000 000 (տաս միլիոն) ՀՀ դրամ՝ մասնակցային բյուջետավորման գործընթացի արդյունքում հաղթող ճանաչված ծրագրի (Գլածոր բնակավայրի մշակույթի տան նախասրահի վերանորոգում) և «Եղեգնաձորի թիվ 1 մանկապարտեզ» ՀՈԱԿ-ի վերանորոգման աշխատանքների թիվ 2 կատարողականի ֆինանսավորման համար,

է) գործառնական դասակարգման բաժին 06 խումբ 04 դաս 01 (արտաքին լուսավորություն) ոլորտի տնտեսագիտական դասակարգման 5112 (շենքերի և շինությունների կառուցում) հոդվածին՝ 17 500 000 (տասնյոթ միլիոն հինգ հարյուր հազար) ՀՀ դրամ՝ ՀՀ Վայոց ձորի մարզի, Եղեգնաձոր համայնքի Կամոյի, Չալաբյան, Մշեցու, Թամանցիներ և Չարենց փողոցների լուսավորության ցանցի կառուցման աշխատանքների ֆինանսավորման և մասնակցային բյուջետավորման գործընթացի արդյունքում հաղթող ճանաչված ծրագրի ֆինանսավորման համար (Գետափի լուսավորություն), 5134 (նախագծահետազոտական ծախսեր) հոդվածին՝ 2 520 000 (երկու միլիոն հինգ հարյուր քսան հազար) ՀՀ դրամ՝ նախագծանախահաշվային փաստաթղթերի կազմման և փորձաքննության ծառայությունների մատուցման ֆինանսավորման համար,

ը) գործառնական դասակարգման բաժին 08 խումբ 01 դաս 01 (մարզական միջոցառումներ) ոլորտի տնտեսագիտական դասակարգման 4819 (նվիրատվություններ այլ շահույթ չհետապնդող կազմակերպություններին) հոդվածին՝ 500 000 (հինգ հարյուր հազար) ՀՀ դրամ՝ «Եղեգնաձոր ՖԱ» սպորտային և մշակութային հասարակական կազմակերպությանը ֆինանսական աջակցություն ցուցաբերելու համար,

թ) գործառնական դասակարգման բաժին 01 խումբ 01 դաս 01 (օրենսդիր և գործադիր մարմիններ, պետական կառավարում) ոլորտի տնտեսագիտական դասակարգման՝ 4237 (ներկայացուցչական ծախսեր) հոդվածին 800 000 (ութ հարյուր հազար) ՀՀ դրամ, 5122 (վարչական սարքավորումներ) հոդվածին 500 000 (հինգ հարյուր հազար) ՀՀ դրամ՝ գրասենյակային գույքի ձեռքբերման համար:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 112-Ն)

ԼՍԵՑԻՆ.

ԵՂԵԳՆԱԶՈՐ ՀԱՄԱՅՆՔԻ ՀԱՄԱՅՆՔԱՅԻՆ ՍՈՑԻԱԼԱԿԱՆ ԾՐԱԳՐԻ ՇՐՋԱՆԱԿՆԵՐՈՒՄ ՏՐԱՄԱԴՐՎՈՂ ԱԶԱԿՑՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

(Զեկ. ՔՐԻՍՏԻՆԵ ՊՈՂՈՍՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով, հիմք ընդունելով Եղեգնաձոր համայնքի ավագանու 2025 թվականի հունիսի 20-ի թիվ 83-Լ որոշմամբ հաստատված համայնքային սոցիալական ծրագիրը (X գլուխ, 3-րդ պարբերություն) և ծրագրի շրջանակներում տրամադրվող աջակցության գործընթացն ապահովող հանձնաժողովի եզրակացությունը՝ **ավագանին ո ղ ո շ ե ց**.

1. Հաստատել Եղեգնաձոր համայնքի համայնքային սոցիալական ծրագրի շրջանակներում տրամադրվող աջակցությունը՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. *(կցվում է որոշում N 113-Ա)*

ԼՍԵՑԻՆ.

ԵՂԵԳՆԱԶՈՐ ՀԱՄԱՅՆՔԻ ԱՎԱԳԱՆՈՒ 2024 ԹՎԱԿԱՆԻ ԴԵԿՏԵՄԲԵՐԻ 24-Ի ԹԻՎ 120-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

(Զեկ. ՎԱՐԴԱՆ ԱՎԱԳՅԱՆ)

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 1-ին մասի 3-րդ կետի դրույթներով՝ **ավագանին ո ղ ո շ ե ց**.

1. Եղեգնաձոր համայնքի ավագանու 2024 թվականի դեկտեմբերի 24-ի՝ «2025 թվականի համար Եղեգնաձորի համայնքապետարանի աշխատակազմի կառուցվածքը, աշխատակիցների քանակը, հաստիքացուցակը և պաշտոնային դրույքաչափերը հաստատելու մասին» թիվ 120-Ա որոշմամբ հաստատված հավելված 2-ը շարադրել նոր խմբագրությամբ՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից և տարածվում է 2025 թվականի սեպտեմբերի 1-ից հետո ծագած իրավահարաբերությունների վրա:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. *(կցվում է որոշում N 114-Ա)*

ԼՍԵՑԻՆ.

ԵՂԵԳՆԱԾՈՐ ՀԱՄԱՅՆՔԻ ԱՎԱԳԱՆՈՒ 2024 ԹՎԱԿԱՆԻ ԴԵԿՏԵՄԲԵՐԻ 24-Ի ԹԻՎ 122-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

(Զեկ. ՎԱՐԴԱՆ ԱՎԱԳՅԱՆ)

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 1-ին մասի 3-րդ կետի դրույթներով՝ **ավագանին
ո թ ո շ ե ց.**

1. Եղեգնաձոր համայնքի ավագանու 2024 թվականի դեկտեմբերի 24-ի՝ «2025 թվականի համար Եղեգնաձոր համայնքի ենթակայությամբ գործող համայնքային ոչ առևտրային կազմակերպությունների աշխատակիցների քանակը, հաստիքացուցակները և պաշտոնային դրույքաչափերը հաստատելու մասին» թիվ 122-Ա որոշմամբ հաստատված թիվ 1 հավելվածը շարադրել նոր խմբագրությամբ՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից և տարածվում է 2025 թվականի սեպտեմբերի 1-ից հետո ծագած իրավահարաբերությունների վրա:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 115-Ա)

ԼՍԵՑԻՆ.

ԵՂԵԳՆԱԾՈՐ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ ՏՐԱՆՍՊԱՐՏԱՅԻՆ ՄԻՋՈՑՆԵՐԻՑ ՎԱՐՁԱԿԱՆՈՒԹՅԱՆ ՏՐԱՄԱԴՐԵԼՈՒ ՄԱՍԻՆ

(Զեկ. ՄԱՐԻՆԵ ՀՈՎՀԱՆՆԻՍՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ և 42-րդ կետերով, քննարկելով Ջերմուկ համայնքի ղեկավարի 2025 թվականի օգոստոսի 28-ի N 923 և «ԷԿՈ ՍԵՐՎԻՍ» ՍՊԸ-ի տնօրենի սույն թվականի սեպտեմբերի 1-ի գրությունները, համաձայն Հայաստանի Հանրապետության քաղաքացիական օրենսգրքի 606-628 հոդվածների՝ **ավագանին
ո թ ո շ ե ց.**

1. Եղեգնաձոր համայնքի սեփականություն հանդիսացող՝

1) GAZ KO-440-2 (GAZ-3309) մակնիշի, 437CG61 հաշվառման համարանիշի տրանսպորտային միջոցը (աղբատար) մեկ տարի ժամկետով վարձակալության տրամադրել «Հայաստանի Հանրապետության Վայոց ձորի մարզի Ջերմուկի համայնքապետարանի աշխատակազմ» համայնքային կառավարչական հիմնարկին,

2) GAZ KO-440N(GAZ-C41R13) մակնիշի, 435CG61 հաշվառման համարանիշի տրանսպորտային միջոցը (աղբատար) մեկ տարի ժամկետով վարձակալության տրամադրել «ԷԿՈ ՍԵՐՎԻՍ» ՍՊԸ-ին:

2. Սույն որոշման առաջին կետի 1-ին և 2-րդ ենթակետերում նշված տրանսպորտային միջոցներից յուրաքանչյուրի վարձակալության համար ամսական վարձավճարը սահմանել՝ 300 000 (երեք հարյուր հազար) ՀՀ դրամ:

3. Առաջարկել համայնքի ղեկավարին՝ «Հայաստանի Հանրապետության Վայոց ձորի մարզի Զերմուկի համայնքապետարանի աշխատակազմ» համայնքային կառավարչական հիմնարկի և «ԷԿՈ ՍԵՐՎԻՍ» ՍՊԸ-ի հետ կնքել գույքի վարձակալության պայմանագրեր:

4. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 116-Ա)

ԼՍԵՑԻՆ.

ՏԵՂԱԿԱՆ ՎՃԱՐԻ ԳԾՈՎ ԱՐՏՈՆՈՒԹՅՈՒՆ ՍԱՀՄԱՆԵԼՈՒ ՄԱՍԻՆ

(Զեկ. ՄԱՐԻՆԵ ՀՈՎՀԱՆՆԻՍՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով և «Տեղական տուրքերի և վճարների մասին» Հայաստանի Հանրապետության օրենքի 16-րդ հոդվածի 1-ին և 3-րդ մասերի պահանջներով՝ **ա վ ա գ ա ն ի ն ո թ ո շ ե ց .**

1. Եղեգնաձոր համայնքի (բնակավայրերի) նախադպրոցական և արտադպրոցական հաստատություններ հաճախող՝ Արցախյան 2-րդ պատերազմում զոհված կամ անհայտ կորած, ինչպես նաև՝ մարտական գործողություններին մասնակցած զինծառայողների ընտանիքների անդամների տեղական վճարի (վարձավճար, ծնողական վճար) նկատմամբ սահմանել արտոնություն՝ զրոյական դրույքաչափ:

2. Սույն որոշումն ուժի մեջ է մտնում հրապարակմանը հաջորդող օրվանից և տարածվում է 2025 թվականի սեպտեմբերի 1-ից հետո ծագած իրավահարաբերությունների վրա:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 117-Ա)

ԼՍԵՑԻՆ.

«ՄԱԼԻՇԿԱ ՌԵՍՈՒՐՍԻՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԿՈՂՄԻՑ ԵՂԵԳՆԱՁՈՐ ՀԱՄԱՅՆՔԻ ՄԱԼԻՇԿԱ ԲՆԱԿԱՎԱՅՐԻ ՎԱՐՉԱԿԱՆ ՏԱՐԱԾՔՈՒՄ ՆԱԽԱՏԵՍՎՈՂ ԳՈՐԾՈՒՆԵՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏՐԱՄԱԴՐԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով և «Շրջակա միջավայրի վրա ազդեցության գնահատման և փորձաքննության մասին» Հայաստանի Հանրապետության օրենքի 16-րդ հոդվածի 3-րդ մասի պահանջով, հիմք ընդունելով 2025 թվականի օգոստոսի 20-ին Մալիշկա բնակավայրում անցկացված հանրային լսման արդյունքները **ավագանին ո ղ ո շ ե ց**.

1. Տալ համաձայնություն՝ «Մալիշկա ռեսուրսիս» սահմանափակ պատասխանատվությամբ ընկերության կողմից Եղեգնաձոր համայնքի Մալիշկա բնակավայրի վարչական տարածքում նախատեսվող գործունեությանը, համաձայն որի նախատեսվում է Մալիշկա բնակավայրում Սպիտակասարի կրաքարերի հանքավայրի շահագործում, օգտակար հանածոների արդյունահանում:

2. Սույն որոշումն ուժի մեջ է մտնում ստորագրման պահից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 118-Ա)

ԼՍԵՑԻՆ.

ԱՆՇԱՐԺ ԳՈՒՅՔԻ ՎԱՐՁԱԿԱԼՈՒԹՅԱՆ ՊԱՅՄԱՆԱԳՐԻ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ և 42-րդ կետերով, 102-րդ հոդվածի 4-րդ մասով, հիմք ընդունելով Գետափ համայնքի ղեկավարի և քաղաքացի Հասմիկ Արշակի Նազարյանի միջև 2010 թվականի օգոստոսի 10-ին կնքված անշարժ գույքի վարձակալության պայմանագրի 7.1-ին կետը և Հասմիկ Նազարյանի դիմումը՝ **ավագանին ո ղ ո շ ե ց**.

1. Երկարաձգել Գետափ համայնքի ղեկավարի և քաղաքացի Հասմիկ Արշակի Նազարյանի միջև 2010 թվականի օգոստոսի 10-ին կնքված անշարժ գույքի (կադաստրային ծածկագիր՝ 10-014-0056-0051, գյուղատնտեսական նշանակության 0.074 հա վարելահող) վարձակալության պայմանագրի ժամկետը 10 (տասը) տարի ժամկետով՝ վարձավճարը սահմանելով՝ 7400 (յոթ հազար չորս հարյուր) ՀՀ դրամ:

2. Առաջարկել համայնքի ղեկավարին՝ քաղաքացի Հասմիկ Արշակի Նազարյանի հետ կնքել գույքի վարձակալության պայմանագրի ժամկետի երկարաձգման համաձայնագիր:

3. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 119-Ա)

ԼՍԵՑԻՆ.

**«ԵՂԵԳՆԱԶՈՐ ՖԱ» ՍՊՈՐՏԱՅԻՆ ԵՎ ՄՇԱԿՈՒԹԱՅԻՆ ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅԱՆԸ ՆՎԻՐԱՏՎՈՒԹՅՈՒՆ ԿԱՏԱՐԵԼՈՒ ՄԱՍԻՆ**

(Զեկ. ՎԱՐԴԱՆ ԱՎԱԳՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 5-րդ և 42-րդ կետերով, քննարկելով «Եղեգնաձոր ՖԱ» սպորտային և մշակութային հասարակական կազմակերպության նախագահի գրությունը, համաձայն Հայաստանի Հանրապետության քաղաքացիական օրենսգրքի 594-596 հոդվածների՝ **ա վ ա գ ա ն ի ն ո թ ո շ ե ց .**

1. «Եղեգնաձոր ՖԱ» սպորտային և մշակութային հասարակական կազմակերպությանը, կանոնադրական նպատակներով օգտագործելու նպատակով, կատարել 500 000 (հինգ հարյուր հազար) ՀՀ դրամի նվիրատվություն՝ Եղեգնաձոր համայնքի 2025 թվականի բյուջեի մարզական միջոցառումներ (բաժին 08 խումբ 01 դաս 01) ոլորտի տնտեսագիտական դասակարգման 4819 (նվիրատվություններ այլ շահույթ չհետապնդող կազմակերպություններին) հոդվածից:

2. Առաջարկել համայնքի ղեկավարին՝ «Եղեգնաձոր ՖԱ» սպորտային և մշակութային հասարակական կազմակերպության հետ կնքել դրամական միջոցների նվիրատվության պայմանագիր:

3. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-10	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 120-Ա)

ԼՍԵՑԻՆ.

**ԵՂԵԳՆԱԶՈՐ ՀԱՄԱՅՆՔԻ ԱՎԱԳԱՆՈՒ ՀԵՐԹԱԿԱՆ ՆՍՏԱՇՐՋԱՆԻ ՀԵՐԹԱԿԱՆ
ՆԻՍՏԻ ԳՈՒՄԱՐՄԱՆ ՕՐԸ ՈՐՈՇԵԼՈՒ ՄԱՍԻՆ**

(Զեկ. ՄԱՐԻՆԵ ՀՈՎՀԱՆՆԻՍՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 62-րդ հոդվածի 2-րդ մասի պահանջով՝ **ա վ ա գ ա ն ի ն ո թ ո շ ե ց .**

1. Եղեգնաձոր համայնքի ավագանու հերթական նստաշրջանի հերթական նիստի գումարման օրը որոշել՝ 2025 թվականի հոկտեմբերի 24-ը, ժամը՝ 18:30-ը, նիստի անցկացման վայրը՝ Եղեգնաձորի համայնքապետարան:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-11	Դեմ-0	Ձեռնպահ-0
---------	-------	-----------

Որոշումն ընդունված է. (կցվում է որոշում N 121-Ա)

Նիստին ներկա ավագանու անդամներ

ԴԱՎԻԹ ՀԱՐՈՒԹՅՈՒՆՅԱՆ

ՎԱՐԴԱՆ ԱՎԱԳՅԱՆ

ԱՐՇԱՎԻՐ ԲԱՅԱԹՅԱՆ

ԾՈՎԻՆԱՐ ՀՈՎՀԱՆՆԻՍՅԱՆ

ԱՍՏԴԻԿ ԲԱԲԱՅԱՆ

ԷՄԻԼ ՍԱՐԳՍՅԱՆ

ԾՈՎԻՆԱՐ ՍԱՐԳՍՅԱՆ

ԴԱՎԻԹ ՄՈՎՍԻՍՅԱՆ

ՆԵԿՏԱՐ ՀՈՎՀԱՆՆԻՍՅԱՆ

ՌՈՄԻԿ ՎԱՐԴԱՆՅԱՆ

ՎԱՀԵ ՎԱՐԴԱՆՅԱՆ

ՀԱՄԱՅՆՔԻ ՂԵԿԱՎԱՐ՝

ԴԱՎԻԹ ՀԱՐՈՒԹՅՈՒՆՅԱՆ

Նիստին ներկա չէին՝ Մարիսե Հովհաննիսյանը

